



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBETARIIS DISPUTATIONIBUS

*manè discutienda, in Scholis Medicorum, die Jovis duodecimâ
mensis Martii, anno Domini M. DCC. LXXVIII.*

M. CAROLO-JACOBO SAILLANT,

Doctore Medico, Præside.

An antequàm instituantur magnæ Operationes Chirurgicæ corpus medicè præparandum?

I.



AGNAS operationes Medici vocant illas, à quibus dum corpora maximè mutantur, in summum sæpè periculum vita adduci potest. Scilicet, cum novas ferro per intima corporis vias aperit Chirurgus, vitæque in imis fixa visceribus excindit, necessarias excitat mutationes, multisque periculis vita redimitur. Sæpè etià versis in perniciem auxiliis, vel in opere ipso perit æger, vel postea longis confectus malis extinguitur. Non simplex periculi causa est; sed ipsius magnitudo à læsionis gravitate, à naturâ vitii per operationem tollendi, ab hominis in quem hæc cadunt temperie & indole debet æstimari. Facilior quidem tutiorque nostris temporibus facta Chirurgia, minores intentat metus, quàm priscis temporibus, antequàm cultior anatomie ferri vias regere sagaciùs

didicisset; at multa sunt ex quibus periclitantur ægroti, quæ manûs auxilio depelli nequeant. Igitur Medicus Chirurgusque, simul in ægri conservationem laborent.

Omnis physica mutatio naturæ corporis & sanitatis legibus adversa, labemque functionibus inferens, haberi debet ut morbus. Nec alia est conditio infelicitis ægri, quem, post multa operationis tormenta, vexant etiam inflammatio, febris & varia suppurationis subsequens incommoda. Verum sæd nimis medicina parabitur, si jam iam natura deficit, & non evitabili morbo impar opprimitur. Igitur obsta principiis, & quam prænoscere datur læsionem, sedulus occupa. Scilicet, antequàm operationi committatur, præparandum est corpus, ut tunc debitis viribus instructum tutò innecua patiat vulnere. Quin etiam solertibus Medici curis factum levius, quod operatione tollitur malum, feliciorem Chirurgo dabit victoriam.

Ut autem nostra propositio iustis terminis includatur, illas tantùm hic admittimus operationes, quæ consilio prudentiæque tempus relinquunt. Sunt enim multæ, quas, etsi periculosas, illud perficere jubet instans necessitas; quamvis ipse quoque prædisposito corpore tutius perficerentur. Verum hæc plerumque pertinent illæ operationes, quibus Chirurgus, vel ruptâ dissentâve in anevrysmâ tumidum arteriâ, sanguinem solitis intercludit canalibus; vel infectos artus penitus refecat, ipsosque aliquandò propriis eruit articulis; mammisve succisis cancerem tollit exedentem. Nec sine gravi periculo, aquâ, pure, sanguine pressus, aperto thorace, pulmo liberatur; vel propendens evacuat abdominis hydropici moles; aut aperitur latens, quam fæx intestinalis alit, fistula. Hæc pertinet aperta largo vulnere vesicæ cervix vesicæque, exitum datura calculo. Hæc etiam spectat, si vel signa certa, vel præteriti labores id indicaverint, parus futurus difficilis, aut sectio Cæsareâ. Utque violentos parient dolores, sic, si tempus dabitur, præparatione multum indigent bubonocèle, testium amputatio, & quæ in pene & omni genitalium ambitu perficiuntur sectiones.

II.

SI VE æger sub ipsâ operantis manu scitum jam perferat, sive superatâ priori illâ scenâ, spem sanitatis doloribus partam concipiat animo, utrumque non simplex mutationum ordo ipsius integritati vitæque infidiatur. Namque in operatione ipsâ sæpè urget debilitas frequens, & deficiente animo vita fugit, sæpè miser in mediâ spasmi dolorisque vehementiâ convulsus rapitur. Elapsus verò his periculis, non minores aliquandò parant angustias quæcumque vulneribus ut plurimum laceratis accidunt, inflammatio ingens suppurationisque dubia indoles. Quin etiam, absolutâ curatione, tutò semper sanescere non licet. Sæpè enim superest corpori, post hæc licet curata, molesta statûs & proportionis mutatio.

Multa igitur spasmos in ipsâ operatione concitant, multaque dolores acuiunt immo-dicos; & imprimis nimium sensûs acumen, sive ipsum ætas, natura sexusque, sive vitæ genus, sive imbecillitas ingenii paraverit. Sunt tamen & quibus nocuerit animi constantia pertinax, dum ploratus, iustos niniûm & convulsis fibris non nihil levaminis afferentes, fortiter compescere, non sine ingenti luctâ, moliantur. Sunt & causæ plus observatione cognitæ, quàm ex ipsâ perspectâ naturâ prævidendæ. Talis est spasmus ille tetanodes, qui apud Insulas Americanas in Nigritas, etiam levi vulnere affli-

Etos, incidit eosque morti devovet. Multum quoque hic sibi vindicat partis læsæ conditio, sive naturalis, sive morbo acquisita. Sic vulnera ad articulos, in ferventiori collo, spasmus plus aliis inducunt. Sic ligamenta in paronychiâ fortiori læsa dolores incutiant & atroces, ab eodem fonte, convulsiones. Quid si tollatur pars aliqua secretioni utili vixque supplendæ dedicata? non tam dolor spasmus tunc videtur invehere, quàm partium supervacuarum & exundantium in nervos imperus. Id in testiculi amputatione nonne metuumdum? & in mammæ excisione, nonne ateri sympathia pro novâ symptomatum scaturigine habenda est? Satis ex se intelligitur, quantum noceat crudi vulneris dilaceratio. Partiumque tendinearum semifissurarum inflammatarumque irritatio, strictis convulsisque fibris, mortem cum rigore tetanoque infectam non semel attulerunt.

Duplex tamen admittenda est spasmodorum natura, neque enim cum prædictis, quos sæva concitavit irritatio, confundendi sunt illi, qui à debilitate oriuntur. Ex hæc enim deliquia ingentia accidunt, quæ vitam brevi cum lethali syncope & convulsionibus sufflamant. Hæc mala creant multoties constitutionis ipsius debilitas; at sæpius evacuationes nimie id faciunt, sive discissis vasis hæmorrhagia feratur abundantior, sive post distentas nimium cavitates, sublato onere, factoque pressis visceribus spatio, collapsus ingens vires facultatesque unâ deleverit.

Hæc tamen, etsi frequentia, non sunt omnium operationum; at nulla inflammatione prorsus carent; ipsamque sequitur necessarium suppurationis officium. Utilis est per se inflammatio in vulnere, cujus sola labiorum adductio glutinationem legitimam efficere nequit. Varios tamen gradus suscipere potest, nec idcirco periculo caret. Ex eâ scilicet febres, deliria, gangrænæ, mors. Ipsam intendunt vulneris ipsius magnitudo, tum etiam partium laceratio & contusio. Contusa enim inflammari, in pus tabescere & separari debent, antequàm sanetur vulnus. Eam auget præterea cordis vicinia, vasorum magnitudo, partis sensus eximius, & ægri dispositio inflammatoria. Ideò in amputationibus, excisione manimarum, sectione Cæsareâ, in lithotomiâ præcipuè magni apparatus, in castratione, & in subjectis maximè naturâ suâ inflammationi obnoxiiis, non sine metu atque periculo ista scena transigitur.

Nihil autem adedò variabile est, ac suppurationis indoles. Eam difficiliorem facit inflammationis prægressa vis & natura; & exsucca labia, ardore torrida, in pus mollescere dùm nequeunt, occallescent vel in gangranam vertuntur aridam. Ubi contrà virium debilitas in cacochymico corpore existit, flaccida & inerte ichorem sudantia vulnera, turgidis cellulis, in fungosas carnes laxantur. Longas quoque moras facessit, si ex aperta cavitate exsuder acris humor, suppurationem assiduo fluxu & irritatione recidivâ semper renovans. Nihil autem pejus est, quàm virus intus hospitans, perpetuo fonte scaturiens: veluti cùm scorbuticâ sanie disfluit apertum vulnus; vel contaminatum lue venericâ aut herpeticâ, sordidum livescensque tabum fundit, malignâ suppuratione perennante.

Verùm nec in ipsâ solâ operatione pericula impendent. Prævidenda etiam illa, quæ olim in corpus à vulnere recreatum, jamque sua capeffens jura, ex rei necessitate incidunt. His enim ipsa ad operationem præparatio prospicit. Has mutationes alibi facit functio sublata vel imminuta, alibi pristini habitus in novum conversio, alibi demum

in mutilo corpore sublata partium æqualitas. Neminem latet quantum sublatis testibus murentur vires, vocis organa, sensuum vis, acumen ingenii. In inveteratâ ascite, ubi tardè nimis exercetur paracentesis, maceratis visceribus demptoque fulcmento collapsis, difficilius fiunt obstructions, laxumque ventrem aquæ derivatæ implent celerius. Plurimum quoque tribuendum est in amputationibus artuum impetui illi, quo consuetos humor reperit canales, antequàm in deminutâ parte proportionem debitam receperit vasorum diameter, ipsorum brevitati non congrua. Hinc & hæmorrhagiæ in talibus adeò frequentes, & sensus dolorum amissæ partis memoriam referentium, & plethora primis temporibus facilè recrudescens.

III.

AD hoc omnis intenditur rebus in chirurgicis præparandi ratio: sit operatio securâ, sit utilis. Igitur abigatur discriminis metus, spes vitæ sanitatisque certior asfulgeat. Prima pars prospicit operationis ipsius periculis, altera illas implet, quas morbus sufficit indicationes.

Si quæcumque & in ipso operandi tempore, & in stadiis relicto vulnere sanando necessariis fieri debent, ritè & quietè transiguntur, si vulneris debita habetur *consolidatio*, si demùm quæ in statu corporis post operationem mutata remanent, quantum licet, emendantur; plena erit & absoluta operationis securitas. Ea autèm implebuntur optimè, si vires in debito statu consistent; si mitigentur symptomata, complicationes tollantur, arripiatur occasio; si tandem arte quâlibet subitæ futuræ mutationis insolentia minuatur.

Naturæ vires non tam in aliquo impetu & violentiâ consistunt, quàm in actionis æquilibrio iustæque facultatum omnium contemperatione. Igitur sedulò comparanda sunt quæcumque moderationem, quietem, debitumque robur conciliare valent. Cætera naturam à mediocritate dimovent. Indè patet, quàm immeritè ut plurimum adhibeantur stimulantia illa, quæ falso sub roborantium nomine laudantur, cardiaca. Scilicet horum actio, ut est brevis & fugax, tunc tantum exhiberi debet, cum, aut ex subito terrore expavescentes, aut repentinâ correpti lipothymiâ colliquescent ægri atque exsolvuntur. Verùm ad legitimum robur conducet usus alimentorum eupeptorum, maximè ad naturam morbi & ad ventriculi vasorumque concoctrices vires accommodatus; mitis idem, & pro necessitate, ex polytrophis dulcibus constans. Ad hæc animi hilaritas & modicus corporis, quantum morbi conditio ferre poterit, exercitium adiungatur.

Nec minorem de singulis, pro varietate operationum, symptomatibus curam agere proderit. Major est in plethoricis hæmorrhagiæ metus; namque distensis canalibus uberius exundans humor, difficilius continetur laxisque non coercendus diffuit osculis. Verùm hæc, victu tenui, moderatis identidem evacuationibus, licebit absque debilitatis periculo præcavere. Spasmos doloresque nimios occupabunt lenis diæta, &, pro naturâ hominis, modicus paregoricorum usus. Nec difficili operâ inflammationis violentiam prævertet Medicus tenui, antiphlogistico, & dilutiori regimine.

Implicant præterea morbum, variæque tum operationi, tum curationi struunt insidias

spasmodici morbi, priorum viarum impuritas, & , quæ maximè suppurationi glutinatio-
 nique nocent, cachexiæ virusque varia. Hæc igitur antè vel mitescere, vel exulare debent,
 quam operatio quævis, si cunctari liceat, instituitur. Spasmodicas affectiones tollere,
 longum opus. Verumtamen hilaritate, quiete, diætâ leni, & apto antispasmodicorum usu
 cicurata, minores facessent operationi molestias. At ubi stabulatur in primis viis corrupta
 materies, corpus imbuat halitu putrido, naturam alligat & impedit. Fluit pro pure san-
 guines, & impuro sub ichore vulnere vivent ora & gangrænâ exeduntur. Verùm, pur-
 gatâ antiseptico victu & lenibus eccoproticis alvo, exsuscitatâ præterea stomachicis
 actione, jam non stagnant ingesta, & abigitur latens saburræ malignioris periculum.
 Officitne laxa cachectici corporis mollities? eam confirma tonicis, attenuantibus, eu-
 chymis. Sic enim in ipso quoque patente vulnere felix antè oculos se fert mutatio. Nam
 fungosæ sese contrahunt carnes, pallidæ rubescunt, & tenuis humor vertitur in pus
 crassum, album, læve & æquale, deterisque vulneris fit facilis glutinatio. Antè simi-
 liter, succis imbuta vegetabilibus, coëant rursus & consocientur exsoluta scorbuticâ
 labe principia sanguinis. Aperientibus, attenuantibusque divisa expellantur lymphæ
 viriæ. Venereum virus insequatur & domet Mercurii vis; potentique sulphure herpeti-
 cum dissipetur venenum. Aut saltè, si tanta sit mali pertinacia, aliquatenus antè ope-
 rationem mitescant. Tunc licebit opus felicioribus auspiciis aggredi.

Tempus quoque eligere non mediocre Medici officium est. Aliquandò annum ob-
 servasse, sæpè occasionem ex ægro, sapius ex partis lædendæ statu sumpsisse juvat. Ità
 sectionem aut distensionem inflammationi addidisse non tutum est; & vere calculum
 vel autumnio scasse generatim præstat. Cæterum sua singulis est occasio, sive ipsam
 præparatio adduxerit, sive indicaverit natura mali, sive demùm conditio symptoma-
 tum obtulerit.

Futuras quoque mutationes antè occupasse utile est; sive ipsas contrariis liceat mi-
 nuere, sive easdem ex longo ductas sensim lento gradu juvet auspicari, ut potius in
 habitum veræ cedant, quam subitâ statûs perversione conturbent. Verùm & hæc ipsa
 diversè admodum in singulâ operationum & corporum varietate sese ferunt, & genera-
 lia legum dogmata non admittunt.

At enim sæpè morbum non tollit Chirurgi manus, multò verò minùs dispositiones
 ad morbum varias. Imò dùm ad securitatem comparandam cunctamur, crescente sen-
 sîm per causas semper agentes morbo, difficilior fit quæ differtur operatio. Igitur effi-
 cax internis admissa visceribus medicina, quod tollere nequit, minuat malum; & ope
 auxiliatrici ægro sanitatem asserat, victoriam & laudem Chirurgo. Sed hæc quoque in
 singulis indicari meliùs, quàm in generalibus prævideri queunt.

I V.

M A G N A igitur cum prudentiâ opus aggredi cogit periculi præsentia, tùm ab
 ægri constitutione, tùm ab indole morbi, tùm ab operationis magnitudine im-
 minentis. Nec minùs intelligitur, quàm temerè aliquandò partes ægrotantes, ferro
 cruciatibus & incertæ operationis alex devoverentur. Aliqdque maturè primò perpen-
 dendum quid indicetur, quid metuendum sit, quid urgeat; perspectâque operationis
 necessitate, dispositis omnia, licebit maximas audere mutationes.

In Lichotomiâ infligitur largum vulnus parti acutissimè sentienti, & jamdudùm irritatè per diuturnos cruciatus. Deindè sit hujus vulneris dissentio & dilaceratio ad educendum calculum. Ex his omnibus & maxima oriri potest spasmodum violentia, & expectanda est inflammatio vis ingens, cum tot causæ ad augendum erethismum unà concurrant. Præterea vulnus illud dat viam urinæ, quæ perpetuam acrimoniam suâ irritationem excitat; undè difficilis & recrudescens in pervio vulnere suppuratio necit consolidationi moras. Accedit quod ista operatio cum tollat morbum ipsum, minimè tamen tollit dispositionem, sæpè miram & urinæ quasi ingentiam, ad calculos informandos. Omnia igitur converti debent ad moderandum sensus acumen erethismiue violentiam, ad calculosam dispositionem imminuendam, ad vulneris denique glutinationem feliciter citòque comparandam. Adedque, statò, ut plurimum inter veris initia m. diuine autumnum tempore, quâ tempestate & mitior est aëris temperies, & actio naturæ liberior existit, molli lenissimoque victu & modico rerum externarum usu temperetur æger. Lac & quæcumque sunt crassa nimis, exulent ab ejus diætâ. Quietè imprimis severâ ulceratio vesicæ, quam produceret attritus calculi, caveatur. Præterea dum elementa calculi dividuntur saponaceorum & lithontripicorum usu, simul ejus incrementa prohiberi possunt. Sudent quidam liquores etiâ solventes in vesicam ipsam injicere, qualis est aqua calcis dilutior, (si tamen ipsius acrimoniam ferre vesica possit,) aut, si nuperorum inventis fidere licet, aqua aëre fixo turgida. Sic enim sperant aliquid forsan de calculi mole detrahi posse. His præmissis, antè destinatam diem, pro renatâ, sanguinem aliquoties misisse proderit, junctoque victu antiphlogist. co minuetur inflammationis metus. Pridiè dabitur lene paregoricum. Interea diluentibus multis tenuique eduliorum & potulentorum apparatu, lenior urinæ conciliabitur indoles, ut aquosa colluvie diluta salia minis irriterent & mordeant.

In Paracentesi omnis in eo sita est indicatio, ut roborata confirmataque corporis compages evacuationem perferre possit, nec sinantur aquâ mollescere viscera. Sic enim & deliquia præcaveri sæpè lethalia, & collapsus impediri possunt, quibus infarctus ipse pertinacior redderetur, & brevi novus hydrops, celerius quàm accreverat antea, denuò recrudesceret. Ipsa igitur per se ratio suadet, & dudum docuit experientia, quantum in talibus afferat damni cunctatio. Si enim expectetur donè in immensum crescat, pressisque inteiioribus, extûs varicibus distinctum promineat abdomen, semper inutilis, sæpè funesta fiet paracentesis. Citius factâ perforatione, onus erit minus, minor mutatio, vires integre. Præterea medicamentis aperientibus, quæ indicat ipsa mali causa, tonica, amara, aromatica conjungantur. Vitentur verò spirituosâ, quorum actio coagulat, obstruit, indurat.

Omnia enumerare longum esset; & ad nostrum argumentum accederent alia complura. Multum scilicet esse Medico allabórandum in ipsis rebus chirurgicis, nos edocent innumera aliarum operationum pericula. Norunt omnes; quàm frequenter & quàm tristi omine, mamma post cancerum excisâ, transit in sociam refluâ mali materies. Amputato teste incautiùs, magna sub lumbis & altè latens suppuratio orta visa est, phthisique longâ & insanabili miserum confecit ægrum.

At nullibi præsentius est Medici auxilium, quàm ubi à nocivâ vel inutili operatione Chirurgos deterrere necesse est. Ubi membrum, malâ consumptum labe, totum corpus succis lethalibus inficit, omnino citòque refecandum est, ne noceat magis. Hoc in

casu omnis cunctatio pessima, illudque tantum præparationi conceditur, ut corpus impleatur decoctis maximè antisepticis, substantiisque similibus foveatur pars ipsa, donèc datus fuerit ferro locus. Verùm ubi tormento bellico fracta & comminuta membra, laceratis ligamentis & diffractis ossibus ingentia minantur pericula, futura mala amputatione prævertere, primo aspectu necessum videtur. Terret enim inflammationis ingruentis vis & natura malignior. Namque contusa, contrita, destructaque organa escharâ duriori coneguntur, sanguisque sub hac retentus violentius arietat. Præterea læsionis modus & partium conditio omnia funesta prælagiunt. Igitur ferri auxilium illicò invocare, sapiens videtur consilium. At tunc temporis adest ipsa læsionis commotio, cui plurima mala tribuenda esse didicerunt artis Magistri. Huic si operationis terror, dolor, & nova commotio conjungatur, ferè omnes indè perituros fuit observatione confirmatum. Aliundè sæpè expectasse profuit. Artis auxiliis adjuva natura non semel opus omne confecit felicitus. Institutis enim sæpius in oppositâ parte venæ sectionibus parcis, sed repetitis, dùm revocabatur à parte læsa sanguinis imperus, simul & incisa sedulo escharâ sanguini stagnanti liber pateret exitus, felici suppuratione noticitura separata sunt, & sana conservata. Sic anceps & periculosa vitabatur operatio; vivuntque magnanimi Duces, & operam Patriæ navabunt utilem, quos talis prudentia ferro subduxit, reddiditque civitati. Sæpè causâ cognitio indicavit quædam mala sinere satius esse, quàm periculose tollere. Fistula sat frequens, nèc semper inutile malum est. Sunt enim validæ temperiei homines, in quibus, post vitam lautiorē omnique voluptatum generi deditam, quidquid mali contraxit corpus, factò quasi fonticulo, per quædam ulcuscula dimanat. Hujus aliquandò naturæ fuit ani fistula. Hanc sæpè in aliam partem divertere non licet. Eam verò si supprimas, pejora intentabit mala infelix curatio. Si præterea sit aperta, nèc callosa sit nimis, nèc sit periculum ne ultra divagetur, fluat illa, profique. Præstat levi ulcere pacisci crudeliores molestias.

V.

QUODCUMQUE igitur sit præparationis objectum, sive immutandus sit ægri status, sive sit optanda operi dies & occasio, sive demùm de operationis necessitate decernendum, in omnibus manum consilio regere necesse est. Hujus autem præparationis utilitatem si non argueret ipsa rei necessitas, demonstraret certè negligentia periculum. Quot incommoda, quot discrimina, quot mortes incautam ferri applicationem secuta sint, satis superque evincunt repetitæ, nullisque authoribus non dictæ observationes. Affectum fistulâ suppressâ pulmonem, hepar, caput, ubique legere est. Peritvi fistulas post lithotomiam remanentes, testantur omnes, qui de primâ apparatus lateralis origine dixerunt. Quanti facienda sit prudentia in adhibendo ferro ad artus post prælia ressecandos, comprobant instituta sedulo, in actis chirurgicis variisque operibus, amputationum in bellis perfectarum collationes. Unum in nostræ propositionis confirmationem sclegisse liceat exemplum, quod & notum minus est, & auctoritate non levi confirmatum. Illud, astantibus multis, nuper in Exercitationibus nostris Chirurgicis, enarrabat Cel. M. A. P E T I T. Effossis post cancerum oculis, sequitur exquisita & periculosissima phrenitis, ob inflammatas partium contuminate meningēs. Hanc ipse operationem vidit pluriès ab aliis exercitam, & ipse pluriès perfecit. Una salus ægris; si scilicet ita antè præparentur, ut phreniticos futuros decet: nempe revellentibus, ut misso non semel ex saphenâ sanguine, pediluvii; præterea diætâ maximè exactâ, potibus antiphlogisticis, & applicatis capiti frigida.

Qui omni hoc apparatu caruerunt, ferè ad unum omnes perière; dùm post talem præparandi methodum, saltem ægrorum media pars evaderet. In tantâ igitur mutationum varietate, tantâ periculi præsentia, tantâ necessitate præparationis; experientia docti, ducti ratiocinio, autoritate fidei, urgente rerum evidentia concludimus:

Ergò antequàm instituantur magnæ Operationes Chirurgicæ corpus medicè præparandum.

DOMINI DOCTORES DISPUTATURI.

M. Joannes - Baptista JUMELIN.

M. Thomas LE TENNEUR.

M. Laurentius FERRET, Ecclesiæ Cameracensis Canonicus.

M. Joannes-Carolus DE BROTONNE.

M. Felix VICQ D'AZYR, Scholarum Professor designatus, è Regiâ Scientiarum Academiâ, Serenissimi Comitis Atrebatum Consiliarius Medicus, Regii Medicorum Collegii Nanceianorum Socius honorarius, in Societate Regiâ Medicâ Parisiensi pro Epidemiis institutâ primarius correspondens, in eadem Societate Anatomæ Humanæ necnon & comparatæ Professor à Rege nominatus.

M. Joannes - Jacobus BELLETESTE, antiquus Facultatis Decanus.

M. Joannes - Jacobus DE LA PORTE.

M. Antonius-Chaumont SABATIER.

M. Michael - Philippus BOUVART, Regii Ordinis Eques, Regiæ Scientiarum Academiæ Socius, è Regiâ Societate Medicâ Parisiensi pro Epidemiis institutâ.

Proponat Parisiis JOANNES-NATALIS HALLÉ, Parisinus, Saluberrimæ Facultatis Medicinæ Parisiensis Baccalaureus, Theosos Author, A. R. S. H. 1778.
A SEXTA AD MERIDIEM.

Typis QUILLAU, Saluberrimæ Facultatis Medicinæ Typographi. 1778.